

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu  
politiku, raseljena lica i izbjeglice



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за рад, социјалну  
политику, расељена лица и изbjеглице

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refugees

**Broj: 13-04/2-05-30210/19**  
**Sarajevo, 08.08.2019. godine**

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**

**SKUPŠTINA KANTONA SARAJEVO**  
**Služba za skupštinske poslove**

**- OVDJE -**

**Predmet: Odgovor na zastupničku inicijativu, dostavlja se**


Zastupnica Jasmina Bišćević – Tokić je na Jedanaestoj radnoj sjednici Skupštine Kantona Sarajevo, održanoj dana 15.07.2019. godine, u okviru tačke Dnevnog reda “Poslanička/zastupnička pitanja, inicijative i odgovori”, a u skladu sa Poslovníkom Skupštine Kantona Sarajevo pokrenula zastupničku inicijativu prema Vladi Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo za skraćivanje radnog vremena zbog velikih vrućina za radnike koji rade na radnim mjestima sa posebnim uslovima rada.

### **O d g o v o r:**

Članom 37. Zakona o radu (“Službene novine Kantona Sarajevo”, br. 26/16 i 89/18) propisano je da na poslovima na kojima, uz primjenu mjera sigurnosti i zdravlja na radu, nije moguće zaštititi radnika od štetnih utjecaja, radno vrijeme se skraćuje srazmjerno štetnom utjecaju uvjeta rada na zdravlje i radnu sposobnost radnika te da se poslovi iz stava 1. ovog člana i trajanje radnog vremena utvrđuju se pravilnikom o sigurnosti i zdravlju na radu, u skladu sa zakonom. Također propisano je da o skraćivanju radnog vremena odlučuje federalno odnosno kantonalno ministarstvo nadležno za rad na zahtjev poslodavca, inspektora rada ili sindikata, a na osnovu stručne analize izdate od ovlaštene stručne organizacije, u skladu sa zakonom.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Koji se poslovi smatraju poslovima na kojima, uz primjenu mjera sigurnosti i zdravlja na radu, nije moguće zaštititi radnika od štetnih uticaja potrebno je utvrditi pravilnikom o sigurnosti i zdravlju na radu, u skladu sa posebnim zakonom koji reguliše ovu oblast.

Trenutno je na području Federacije Bosne i Hercegovine u primjeni Zakon o zaštiti na radu SR BiH ("Službeni list SRBiH", broj: 22/90), te ga je, u okviru reforme radnog zakonodavstva, neophodno osavremeniti i uskladiti sa nastalim promjenama.

Vlada Federacije Bosne i Hercegovine je u februaru 2018. godine utvrdila Prijedlog Zakona o zaštiti na radu.

Obzirom da Ministarstvo za rad, socijalnu politiku, raseljena lica i izbjeglice Kantona Sarajevo, u skladu sa odredbama Zakona o radu ("Službene novine Federacije BiH", br. 26/16 i 89/18) odlučuje o skraćivanju radnog vremena na zahtjev poslodavca, inspektora rada ili sindikata, Ministarstvo će, u skladu sa članom 3. Sporazuma o osnivanju Ekonomsko - socijalnog vijeća za područje Kantona Sarajevo br. 02-05-33200-19.1/05 od 03.02.2006. godine, 02-05-21020-16.1/11 od 30.06.2011. godine i 02-05-23316-25/16 od 14.07.2016. godine, ovu inicijativu uputiti na razmatranje Ekonomsko – socijalnom vijeću Kantona Sarajevo.

O zauzetom stavu Ekonomsko – socijalnog vijeća po navedenoj inicijativi, Ministarstvo će blagovremeno dostaviti informaciju Skupštini Kantona Sarajevo - Službi za skupštinske poslove.

S poštovanjem,

Pripremila: Aldina Šantić  
Kontrolisao: Nuriya Hodžić

Belma Trajkov, sekretarka Ministarstva

**MINISTAR**

Dostaviti:

1. Naslovu
2. Ministar
3. a/a



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1

